

**Kerajaan Galak Tadbir Urus Yang Baik, Akauntabiliti Dan Ketelusan – Ambrin Bernama  
09 Mei, 2012**

PUTRAJAYA, 9 Mei (Bernama) -- Kerajaan telah melaksanakan beberapa langkah bagi menggalakkan tadbir urus yang baik, akauntabiliti dan ketelusan, kata Ketua Audit Negara Tan Sri Ambrin Buang.

Beliau memberi contoh pelaksanaan Bidang Keberhasilan Utama Negara (NKRA) terhadap rasuah sebagai satu elemen penting dalam keseluruhan Program Transformasi Kerajaan (GTP) yang mana beberapa inisiatif teras diambil dalam bidang-bidang pengawalseliaan dan penguatkuasaan dan rasuah besar.

"Jadi, kita lihat sekarang Suruhanjaya Pencegahan Rasuah Malaysia (SPRM) dan polis diperkukuhkan, kecekapan badan kehakiman melupuskan kes-kes rasuah, menguatkuasa hukuman yang lebih keras dan sebagainya, katanya dalam ucapatama pada siri wacana Perdana ke-14 bertajuk " Meningkatkan Akauntabiliti dan Integriti Dalam Sektor Awam-Cukupkan Apa Yang Kita Lakukan?" di sini, pada Rabu.

Beliau juga menjelaskan beberapa langkah yang telahpun diambil bagi mengurangkan salah urus pemerolehan, seperti pergantungan lebih besar dalam tender terbuka yang bertentangan dengan cara rundingan terus sebagai satu usaha bagi mengurangkan ketirisan dalam dana yang diperuntukkan bagi pembangunan dan pentadbiran awam negara serta untuk memastikan keadilan dalam pemberian kontrak.

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=664826>